

Te, rex omnipotens, caput hypocitarum.
 Tunc Antichristus ad hypocritas :
*Cum me latus orbis studeat adorare,
 Jus mei nominis quis audeat negare ?
 Synagogam, et senes mihi representate.
 Reos convenientiam super hac levitate.*
 Tunc ministri venientes ad prophetas et Synagogam cantant :
*Testes mendacii, præcones falsitatis.
 Vos tribunal vocat divinæ majestatis.*
 Tunc prophetæ :
*Non seducet homo iniquitatis
 Servos Christi ministris falsitatis.*
 Tunc nuntii adducunt prophetas et Synagogam ad Antichristum, quibus ille :
*Fert in insaniam proprietatis
 Vos, quos decipiunt vultus auctoritatis.
 Sanctis promissus sum redemptio futura,
 Vere Messia, ut testatur Scriptura.
 De me suscipite formam religionis.
 Sum infidelibus lapis offensionis.*
 Tunc prophetæ :
*Tu blasphemus auctor iniquitatis,
 Radix mali, turbator veritatis,
 Antichristus, seductor pietatis.*
 Tunc Antichristus commoitus dicit ministris :
*Ecce blasphemias meæ Divinitatis
 Ulciscatur manus divinæ majestatis.
 Qui blasphemant in me divinam pietatem,
 Divini Numinis gustent severitatem.
 Pereant penitus oves occisionis*

A *Pro tanto scandalo sanctæ religionis.*
 Tandem Synagoga cantat confessionem istam :
*Nos erroris paenitet, ad fidem convertimur,
 Quidquid nobis inferet persecutor, patimur.*
 Tunc ministri educunt eos et occidunt. Interim vero, dum occiduntur, Ecclesia cantat : *Fasciculus myrræ dilectus meus mihi* (*Cant. 1*). Tunc ministris reversis, Antichristus dirigit nuntios suos ad singulos reges cantans
*Reges convenient, et agmina sanctorum,
 Adorari volo a gloria regnum.
 Cuncta divinitus manus ima firmavit,
 Suos Divinitas hostes exterminavit.
 Pace conclusa sunt cuncta jura regnum,
 Ad coronam vocat suos Deus deorum.*
 B Tunc omnes reges convenient undique cum suis usque ad præsentiam Antichristi cantantes : *Cuncta divinitus, etc.* Quibus Antichristus :
*Ista prædixerunt mei prædicatores,
 Viri mei nominis, et juris cultores.
 Haec mea gloria, quam diu prædixerem,
 Qua fruentur mecum, quicunque meruere,
 Post eorum casum, quos vanitas illusi,
 Pax, et securitas universa conclusit.*
 Statim fit sonitus super caput Antichristi, et eo corruente, et omnibus suis fugientibus, Ecclesia cantat : *Ecce homo, qui non posuit Deum adjutorem suum ! Ego autem sicut oliva fructifera in domo Dei.* Tunc omnibus redeuntibus ad fidem, Ecclesia ipsos suscipiens incipit : *Laudem dicite Deo nostro.*

Explicit.

ANONYMUS MELLICENSESIS

SÆCULO XII CLARUS

DE SCRIPTORIBUS ECCLESIASTICIS,

Nuper primum in lucem editus et notulis chronologico-criticis illustratus a R. D. P. Bernardo PEZ, Benedicto et bibliothecario Mellicensi, anno 1716.

(FABRIC.-Bibliotheca ecclesiastica, Hamburgi, 1718, fol., p. 141.)

ADMONITIO.

Anonymum hunc *De scriptoribus ecclesiasticis*, seu *De viris illustribus*, quem reipublicæ litterarioræ bono nunc primum in lucem damus, *Mellicensem* dicimus, neutquam propterea ; quod certa nobis argumenta suppetant, auctorem hunc cœnobitis Mellicensibus accensendi, sed ideo ; quod in Bibliotheca manu scriptorum Mellicensi, ejusque codice chartaceo in quarto, nunc signato lit. R. num. 28 sæculo circiter quarto decimo exarato, hactenus asservatus, indeque a nobis de promptus fuit ; cuiusmodi quidem cognominandorum anonymorum exempla apud Freherum, Acherium, Chesnios, aliosque eruditos *Rerum* collectores, editoresque passim occurrunt. Cæterum, ut proprium auctoris nostri nomen, fortunamque assequeremur, nulli quidem in perquirendo labore pepercimus, sed frustra ; nomine quoquam, nec illo ipso horum quidquam innuente. Fuisse monachum, et quidem Benedictinum, ex singulari quodam studio, quo Benedictinos

scriptores consecutatur, et laudat, forte quis colligat. Ast nec hoc sat firmum. Certius quid statui de hominis ætate posse videtur, estque vero perquam simile, eum sæculo Christi duodecimo animum ad scribendum appulisse. Nam capite 91 Hermannum Contractum, qui anno 1054 obiit, in musica pene modernis omnibus subtiliorem exstisset narrat, et capite 105 Manegoldum, Gregorio VII P. M. æqualem tanquam modernorum Magistrorum magistrorum celebrat; cum tamen Rupertum capite 71 beatae memorie abbatem Tuitensem vocet. Mortuus est Rupertus anno Domini 1135. Imo videtur hic scriptor eodem fere tempore opus suum adornasse, quo Honorius Augustodunensis, et Sigebertus Gemblaceensis nostras de Scriptoribus ecclesiasticis commentati sunt, quorum ille circa annum Dom. 1130 floruit, hic an. 1093 e vita excessit. Certe neutrinius opus noster vel fama percepit, ut constat ex ejus præfatione, in qua præter Hieronymum, Gennadium, Cassiodorum et Isidorum, quibus posterioribus et ipsis caruit, nullum alium illustrium viorum scriptorem sibi haec tenus cognitum fuisse commemorat.

Porro in referendis scriptoribus suis anonymous noster non ubique temporis rationem habuit, iis persæpe loco postpositis, quos ætate superioribus fuisse notulæ nostræ chronologicæ, quas ad latum ascripsimus, palam faciunt. Quosdam memorat, eruditis viris fere adhuc ignotos, quales sunt: *Joannes musicus Anglus, Paulus Judæus Fuldensis cenobita, Symphorios quidam, Albertus monachus forte Siebergensis, Acelinus, seu Athelinus episcopus, Stephanus musicus, Manegoldus, Aribus Junior musicus, Fucraetus, Dietigerus, ex monacho Benedictino episcopus Metensis, Meginhardus episcopus Herbiopolensis, in Cantica canticorum, Deusdedit cardinalis adversus Guibertinos, Gotschalcus monachus Dekingensis ord. S. B., Geraldus San-Blasianus in Silva Hercynia, Placidus Nonantulanus, etc.* Iis etiam scriptoribus, quorum nomina editis Bibliothecis inserta sunt, non pauca nova, et plerisque omnibus hucusque incompta opera attribuit. Cujusmodi sunt: *S. Gregorii M. liber Florum, et liber Synodorum; Cassiodori liber De viris illustribus; Freculphi ep. Luxoviensis Explanaciones in Genesim; Remigii Autissiodorenum in Genesin Commentarius; Pauli Orosii Opus in librum xii Prophetarum; Sancti Odonis Cluniacensi Dialogus de Musica; Haymonis episcopi Halberstadiensis, quem noster monachum Sancti Germani Autissiodorensis facit, Commentarius in Cantica canticorum; Christiani episcopi Apulorum Liber contra Berengarium; Fulberti Carnotensis Tractatus contra Judæos et malos Christianos; Itronis Carnotensis Martyrologium de sanctis ordinatissimum; presbyteri Constantiensis plura opera; Guitmundus Aversanus in Lucam; Anselmi Lucensis Opus immodicum in Psalterium; scripta a S. Udalrico Cluniacensi Vita sancti Hermanni et marchionis monachi, etc.* Denique consideratione et observatione dignissima sunt, quæ de Ratramni, monachi Corbejensis *Opere de corpore et sanguine Domini* habet, ut quibus Joannis Mabillonii de auctore sententia, *Præf. in Sec. Bened. IV, P. II* exposita egregie confirmetur. Sed haec omnia præstat integra eruditio lectori servare ac relinquere; quem etiam rogamus, ut ampliorum, et eruditiorum Notarum, quibus noster non raro indiget, intermissionem condonet; illas enim temporis ac otii, has ingenii angustias excluderunt.

† Hoc Remigii opus nuper in Bibliotheca Garstensi O. B. in superiori Austria reperimus in cod. memb. fol. hoc titulo: *Remigius in Bereschit. Incipit: Desiderius vocabatur episcopus, etc. Deinde textus: In principio creavit Deus, etc. (Gen. 1). Auctor hujus operis, sicut sancti doctores tradunt, cognoscitur fuisse Moyses, etc.*

ANONYMI AUCTORIS

IN LIBRUM SUUM DE SCRIPTORIBUS ECCLESIASTICIS PRÆFATIO.

Scriptorum illorum, qui virorum illustrium con-
scripsere catalogum, pro posse sequentes exemplum, tam scripta quam nomina sanctorum Patrum, quorum deinceps Ecclesia Dei desudavit ingenium, litteris transmittemus in posterum. In quo nimur negotio ordine quidem præpostero, sed necessario commutato, eos utcunque collegimus in unum, qui in actione missarum quidpiam statuere dicendum, videlicet ¹ propter Telesphorum, Gelasium, Sextum, Clementem Alexandrinum, Alexandrum primum, Leonem Magnum, Gregorium primum, Gregorium tertium, Sergium; porro beatum Ambrosium Mediolanensem episcopum (cujus quidem beatus Hieronymus inter viros illustres meminit; sed non modo nulla librorum ejus judicia ponit, verum de ipso, quia videlicet adhuc ipse supererat, omnino suum judicium subtraxit) nos incognitum præteriri non passi, ipsam hujus operis frontem tanti nominis titulo decrevimus insigniri. Sunt tamen et alii vii illustres Cassiodorus scilicet, et Isidorus, qui

A nibilominus de viris scripserunt illustribus, quorum libri, quia needum ad nostras pervenerunt manus, quos posuerint, vel quos omiserint, penitus ignoramus.

Inchoantes igitur a fine Gennadii, qui et ipse a fine Hieronymi initium fecit operis sui, quoscumque ex eo tempore quidpiam memoria dignum scripsisse deprehendimus, diligenter adnotare curavimus. Verum, ne quid desit curiositati legentium, judicavimus apponendum Bernagardium ² olim hæreticum, Wichwertum ³ Ravennatem exepiscopum, Urbanum secundum; non quod ad nos scripta eorum ulla pervenerint, vel certe ipsi aliquando aliquid scripserint, sed quod quisque eorum decentia nobis ingenii sui monumenta reliquit. Berengarius quidem, dum quandoque conversus, duobus apte versiculis catholicam fidem profliteri non distulit. Clemens vero, qui et ⁴ Ewibertus, dum in legitimum Petri successorem invectus totidem nibilominus versibus satis eleganter lusit. Urbanus autem,

¹ f. præter. ² infra cap. 88. Berengarius. ³ infra c. 98 Gwibertus. ⁴ l. Gwibertus seu Guibertus.

dum eidem æmulo suo metro et ipse respondens, nihil eum de apostolica dignitate, præter inane vocabulum, assecutum patenter ostendit. Sed si qui aliquando ea, quæ a nobis scripta sunt, reprobant,

A imperitiam quidem, non autem studium reprehendant, simulque considerent, quia ubi nullus potest esse boni operis fructus, sufficit solus bonæ voluntatis affectus.

INCIPIT LIBER.

CAP. I. Telesphorus⁶ papa VII qui beato Sixto, de quo subinde dicemus, in pontificatu successit, missas in sanctissimæ Dominice Nativitatis nocte constituit celebrari, et in tempore sacrificii *Gloria in excelsis Deo*, decantari. Hic sub Adriano principe, quemadmodum prædecessores sui Alexander, et Sixtus, Nonas Januarii martyrio meruit coronari.

CAP. II. Gelasius papa⁶ in diebus Leonis, qui Marciano succedit in regnum, Romanam Ecclesiam nobiliter rexit, qui ad utilitatem Ecclesiæ decreta multa constituit, multa utiliter scripsit. Qui etiam ad missas dicendarum modum et numerum instituit præfationum. Hujus pontificis temporibus liber Missalis conscribitur, qui et Gelasianus appellatur.

CAP. III. Zosimus⁷ papa instituit Benedictionem cerei, qui in Sabbato sancto benedici solet a diacono, cuius benedictionis hujusmodi est initium : *Exsultet iam angelica turba cælorum.*

CAP. IV. Sixtus⁸ episcopus, qui beato Alexandro primo Romæ successit in pontificatu, infra missarum solemnia *Sanctus, sanctus, sanctus*, decantari instituit, qui et ipse sub Adriano imperatore VIM, Idus Aprilis martyrio coronari promeruit.

CAP. V. Clemens⁹ Alexandrinæ Ecclesiæ presbyter, præceptor Origenis, diu in Alexandria scholam tenuit. Tam divina quam sacerulari scientia claruit. Opuscula nonnulla luculento sermone composuit. Exstat illius de Pascha liber unus, de Jejunio dialogus unus, de Salvando divite unus, de Obtrectatione unus, de Canonibus unus, contra gentes unus, contra eos qui Judæorum scrutantur errores unus. Miræ autem eruditioñis et eloquentiæ fuit. Orationem illam sacerdotis, quam *Canonem* dicimus, ipse composuit, quæ et ab omni Ecclesia tanti est habita, ut in consecratione corporis Domini perpetuo jussa sit recitari. Habetur autem clarus Severi et filii ejus Antonini temporibus.

CAP. VI. Alexander¹⁰ primus, natione Romanus, ex patre Alexandro de regione¹¹ Caputami oriundus passionem Domini miscuit in precatione presbyteri, cum missæ debent celebrari. Unde habetur in Canone : *Quam oblationem tu Deus*, et quæ sequuntur ex ordine. Hic quinto Nonas Maii sub Adriano principe cum Eventio, et Theodolo martyrium passus, migravit ad cœlos.

CAP. VII. Leo Magnus¹², apostolicus, declamator egregius fuit, qui verbo et exemplo Christianæ religioni plurimum profuit. Porro sermonum illius incertus est numerus; quorum tamen de Adventu Domini, de Nativitate, de Apparitione, de Jejunio, de Passione, de sancta Pentecoste plurimi habentur. In sanctorum quoque natalitiis nonnulli habitu inveniuntur. Et hic augmentavit in Canone : *Supplices te rogamus omnipotens Deus, et celera, quæ sequuntur ex ordine.* Hic iv Kal. Julii sub Marciano principe plenus sanctitate quievit in pace.

CAP. VIII. Gregorius Magnus¹³, qui et primus, ex illustri senatorum prosapia oriundus, disciplinis liberalibus a puero institutus, Romanæ sedis jam tunc apocrisiarius, positus Constantinopoli, rogatu Leandri Hispanensis episcopi, libros Moralium xxxvi scripsit, quos in septem partes divisit. Romæ vero exorta pestilentia ipse adhuc archidiaconus septiformem Litaniam instituit, ac postmodum decedente Pelagio, Romanum pontificatum invitus obtinuit. Hic Agilulsi temporibus dialogum scripsit, eum reginæ Theodelindæ pro munere promisit. Homelias quadraginta etiam dictavit, et in Ezechielem tractatus viginti composuit, a cuius expositione auditio Agilulsi regis adventu cessavit. Librum quoque curæ pastoralis ad Joannem episcopum scribit; et librum alium, quem Flores appellari complacuit. Scribit et librum Responsionum ad Augustinum Anglorum episcopum. Librum quoque Synodorum composuit cum episopis Italæ de necessariis causis Ecclesiæ. Alia vero opuscula nonnulla, quæ scripsit, non habentur, quando æmularum excandesciente invidia de medio sublata fuisse perhibentur. Hic illud, quod in canone dicitur : *Diesque nostros in tua pace disponas*, dicendum apposuit, et Orationem Dominicam ad missam recitari constituit, congruum arbitratus, ut in consecratione Dominicæ corporis cum oratione hominis sacerdotis dicatur et oratio Dei et hominis Salvatoris. Quod quidem populus utpote novum et insolitum audiens, ægre tulit; cui protinus beatus pontifex humili responsione satisfecit; si dicenda est, inquiens, in consecratione corporis Christi oratio, quam quidam scholasticus humano sensu et homo composuit, quanto magis illa, quam Dei et hominum mediator

⁶ an. Christi 128. ⁶ 492. ⁷ 417. ⁸ 117. ⁹ 192.
¹⁰ 590.

¹¹ 108. ¹¹ al. Caput Tauri. ¹¹ anno Christi 440.

instituit, qui et discipulos suos orare sic docuit? A sermone in festivitatibus habitos, stylo egregio scriptos, scribit super Epistolam ad Hebreos, scribit nihilominus in Matthæum egregium opus, scribit etiam librum de reparatione lapsi, et septem Homilias de laude Pauli apostoli; dialogum quoque Basilio habitum de honore sacerdotii. Hic sub prænotatis principibus celebris, celebrem sui memoriam dereliquit Ecclesiæ.

CAP. IX. Gregorius tertius¹⁴ annis octo Romanum tenuit pontificatum, qui et augmentavit in Canone: *Intra quorum consortium*. Hic decessit tempore Leonis imperatoris, iv Kal. Decembris.

CAP. X. Sergius¹⁵ papa, natione Syrus, Antiochiae ex patre Tiberio ortus, in confractione corporis Domini, a clero et populo: *Agnus Dei*, statuit decantari.

CAP. XI. Ambrosius¹⁶ Mediolanensis archiepiscopus, doctor Ecclesiae mirificus, sub Gratiano Augusto clarus, in eo et in toto orbe terrarum notissimus, columna Ecclesiae, et hæreticorum ruina, semper et ubique libere agens et loquens pro justitia; quippe qui nec Theodosio principi peccanti pepercit, non solum Mediolanensi, cui præfuit, sed et universæ matri Ecclesiae, scribendo et docendo plurimum contulit. Scripsit de Spiritu sancto librum unum ad Gratianum Augustum. Scripsit quoque librum de fide, librum de Incarnatione Domini. Scribit de paradyso, scribit de virginibus, scribit de exsequiis fratris, scribit *Hexaemeron*, scribit de saeculo, scribit de patriarchis, scribit de perpetua virginitate Matris Domini, scribit de Isaac et anima, scribit de bono mortis, scribit de Joseph, scribit apologiam de David; scribit super: *Beati immaculati* (*Psal. cxviii*); scribit super: *Domine, quis habitabit* (*Psal. xiv*); scribit de morte Gratiani, scribit de morte Theodosii, scribit de jejunio, scribit de officiis, scribit super Isaiam, scribit super Apostolum, scribit super Lucam, scribit contra Auxentium hæreticum, scribit ad Fritigernam, reginam Marcomannorum. Præter ea plura ac diversa scribit opuscula, quæ pro summis opibus computat et reservat Ecclesia, de qua non recedet ejus memoria, et nomen ejus requiretur in saecula. Hic beatissimus pontifex, doctor egregius, pietate præcipuus, invictus in adversis, in prosperis providus, post matutini et vesperæ delectabiles exitus, ipse delectabilis omnibus, sub principibus Arcadio et Honorio quievit in Domino.

CAP. XII. Joannes Constantinopolitanus¹⁷, cognomento Chrysostomus, qui ab ingrata Ecclesia bis est depositus, et insuper annuente Theophilo archiepiscopo, in exsilium missus, primo Origenis errore deceptus, sed Dei gratia præventus, cooperante correctus, et Ecclesiae reconciliatus est. Hic tam Græco quam Latino eruditus eloquio præter

sermones in festivitatibus habitos, stylo egregio scriptos, scribit super Epistolam ad Hebreos, scribit nihilominus in Matthæum egregium opus, scribit etiam librum de reparatione lapsi, et septem Homilias de laude Pauli apostoli; dialogum quoque Basilio habitum de honore sacerdotii. Hic sub prænotatis principibus celebris, celebrem sui memoriam dereliquit Ecclesiæ.

CAP. XIII. Epiphanius¹⁸ Salaminæ episcopus, fide Catholicus, ingenio optimus, Joanni Chrysostomo pro eo, quod eum offendebat, duos in suo episcopatu presbyteros ordinando, non contemnendani dictavit epistolam ad catholicam fidem, pacisque custodiam cohortantem. Hanc beatus Hieronymus presbyter pro ædificatione legentium rogatu fratrum in Latinum vertit eloquium.

CAP. XIV. Fulgentius¹⁹ episcopus, qui Ruspensi Ecclesiæ præfuit sub Theoderico rege Gothoruim, in confessione fidei et scientia claruit in Homiliis; declamator fuit, et sermones plurimos utiles recitavit ad populum (et) in posterum transmisit litteris. Scripsit quoque librum insignem de prædestinatione et fide, alium ad Trassamundum regem Vandalarum.

CAP. XV. Annitius²⁰ Manlius Severinus Boetius tam divina quam humana scientia clarus, qui et Romæ consul fuit, super Hypermenias²¹ volumen insigne composuit. Aliud etiam de Musica scripsit, in quo profundum ejusdem artis subtiliter inquisivit. Et aliud nihilominus de fide sanctæ Trinitatis scriptum dèreliquit. Qui etiam ad Joannem papam contra Eutychen et Nestorium hæreticos scribit. At ubi Theodericus rex Gothorum tyrannidem in Romanos exercuit, Boetius consul Græcis clam litteras misit, volens scilicet per illorum patrocinium subdere²², et a regis tyrannide civitatem et cives, se quoque addito, liberare. Quod ubi rex impius comperit, quasi reum majestatis Ravennam in exsilium missum, in carcere recludi jussit; in quo vir sapiens philosophica sibi consolatione adhibita, quinque libros per satyram edidit; in quibus, quia et se, et omnes lugentes consolari intendit, opus suum librum Consolationis inscripsit. Hic vir plura posteris ingenii sui monumenta dereliquit. Duobus filiis in consulatu relictis, a rege nefario cum aliis pluribus gladio percussus occubuit.

CAP. XVI. Magnus Aurelius²³ Cassiodorus Romanus consul, deinde senator, ad ultimum monachus, monasterium construxit. Tam divina quam saeculari littera clarus effulsi, *Psalmos* exposuit, libros Institutionum et Chronicam fecit. Librum de viris illustribus scripsit, epistolas Theoderici dictavit, insuper et tripartitam Historiam ordinavit.

CAP. XVII. Arator Romanæ²⁴ Ecclesiae subdiaconus, qui sub papa Vigilio floruit, librum *Actus*

¹⁴ anno Christi 731. ¹⁵ 688. ¹⁶ 371. ¹⁷ 398. ¹⁸ subducere. ¹⁹ anno Christi 514. ²⁰ 514.

²¹ 368. ²² 507. ²³ 510. ²⁴ περὶ ἵψυνεις ²⁵ s.

apostolorum versibus scripsit, quem postinomum clero et populo, et apostolico publice legit.

CAP. XVIII. Priscianus ²³ Cæsariensis, grammaticus peritissimus fuit, qui et librum egregium de grammatica arte composuit. Errant autem, qui hunc in fide errasse confirmant, quasi qui librum Julianu Apostatae scripserit, et scriptum obtulerit, Errant, inquam, et patenter errant; neque enim Julianu scripsit imperatori, sed Julianu consuli fratris Symmachi socieri Boetii. Sed n^oque sub Julianu Apostata, qui adeo in fide desipuit, sed sub Justiniano Christicola Priscianus Cæsariensis Constantinopoli floruit. A Julianu autem Cæsare usque ad Justinianum imperatorem computantur anni ducenti viginti septem.

CAP. XIX. Dionysius, ²⁴ abbas Romanus, sexto Justini principis anno Paschales Cyclos scripsit, quos a primo anno Diocletiani imperatoris inchoavit.

CAP. XX. Benedictus, ²⁵ Pater venerabilis, post vitam eremiticam quam duxit in loco, cui Sublacus vocabulum est, in monte Cassino, doctrina claruit, et miraculis. Quo cum primo tenderet reliqua priori habitatione, tres corvi, sicut in Longobardorum Historia legitur ²⁶, quos pascebat quotidie, secuti sunt eum divina jussione. Cumque pervenisset ad quoddam bivium, duo angeli apparuerunt ei in specie duorum juvenum, ostendentes viam, per quam ad locum ieret. In loco autem illo quidam Dei servus habitabat, cui vox de cœlo dicebat :

His tu parce locis; alter amicus adest.

Cujus versiculi sensus talis est : Exi de hoc loco, amice, quia aliis amicus debet hic habitare. Veniens itaque sanctus Benedictus in summittatem montis, in maxima se constrinxit abstinentia ; ubi scripsit etiam monachorum Regulam, teste beato Gregorio ²⁷, discretione præcipua, sermone luculento. In qua præter alia sanctitatis ejus indicia satis ostenditur, quam cœlestem in terris vitam duxit; quia vir sanctus non potuit aliter docere, quam vixit.

CAP. XXI. Victor Capuanus ²⁸ episcopus librum insignem de Pascha composuit, in quo erratica Victorii scripta redarguit. Scripserat enim et ille jubente Hilario ²⁹ papa Paschales Cyclos, sed errore plenos, quos scriptis suis, ut diximus, destruxit Victor episcopus.

CAP. XXII. Jordanis ³⁰ episcopus Chronicam de gestis Romanorum abbreviando descripsit, quam ab Adam inchoavit, et ad Justinum minorem Augustum usque perduxit.

CAP. XXIII. Victor Africanus episcopus ³¹, Wandalicæ persecutionis historiam scribit; quæ nimisimum

A persecutio ejusdem postremo sui scriptorem involvit.

CAP. XXIV. Paterius ³² Gregorii Magni discipulus, colligit in unum testimonia Scripturarum, quæ beatus papa Gregorius passim in suis tractatibus posuit, et posita protinus competenter exposuit. Habet enim hoc inter expositores alios quasi singulare, ut subintrocta de Scripturis testimonia soleat singillatim exponere; ad quæ recolligenda idem scriptor animum intendit, quippe quæ posteris non parum profutura putavit.

CAP. XXV. Columba ³³ qui et Columbanus abbas, qui ex Hibernia oriundus, postquam cum discipulis suis Gallo, et aliis plura terrarum loca pertransiit, plures ad fidem Christi verbi exhortatione perduxit, ^B plura etiam diversis in locis monasteria construxit, scripsit manu sua monachorum Regulam; ad quos etiam unam exhortatoriam brevem licet, sed de contemptu mundi copiose disseverentem, dictavit epistolam.

CAP. XXVI. Isidorus Hispalensis ³⁴ episcopus, qui beato Leandro in episcopatu successit, multa et magna opuscula edidit. Nam inter alia Synonyma scripsit, et Abbreviationem temporum, quam ad Constantiū Heraclii filium perduxit. Librum quoque Etymologiarum, librum Officiorum et librum Virorum illustrium. Præterea sermones plurimos, diversis temporibus habitos, stylo egregio scriptos transmisit ad posteros.

CAP. XXVII. Theodorus ³⁵ venerabilis Anglorum archiepiscopus a papa Vitaliano ordinatus et in Angliam missus, postquam in populo cui præerat, verbo et exemplo pluribus saluti fuit, ad ultimum librum de reorum poenitentia, præcipua discretione conscripsit. Audiens etiam Constantinopolitanam Ecclesiam hæresi Euticetis ³⁶ valde turbatam, synodum collegit, et ubi omnium in fide catholica consensum audivit, hunc ad instructionem, memoriamque sequentium synodalibus litteris ³⁷ commendavit. Harum litterarum tale est exordium : *In nomine Domini nostri Jesu Christi Salvatoris, imperantibus dominis piissimis regibus nostris.* Earumdem vero talis est conclusio : *Nos omnes subscribimus, qui cum Theodoro archiepiscopo fidem catholicam exposuimus.* Hic de Tarso Ciliciæ oriundus fuit, et multis virtutibus clarus quevit.

CAP. XXVIII. Petrus ³⁸ archiepiscopus Ravennas librum scripsit egregium sermonum super topazium et aurum obrysum pretiosum.

CAP. XXIX. Adaman ³⁹ presbyter et abbas monachorum, qui erant in insula Hy, vir bonus et sapiens scientia Scripturarum nobilissime instructus, scripsit de locis sanctis librum, legentibus multis utilissimum ⁴⁰, cuius auctor erat docendo ac dictando

²³ anno Christi 550. ²⁴ 533. ²⁵ 540. ²⁶ Paul. Diacon. *Hist. Longob.* lib. 1, cap. 27. ²⁷ Lib. II *Dial.* cap. 26. ²⁸ A. Chr. 545. ²⁹ Hilarius. ³⁰ A. 552. ³¹ 484. ³² 601. ³³ 589. ³⁴ 635. ³⁵ 668. ³⁶ Eutichis. ³⁷ manus sæculi xv correxerat : commendare curavit. ³⁸ an. Chr. 433. ³⁹ 679. ⁴⁰ inf. cap. 75, utilissimum.

Artwolfsus ^{**} Galliarum episcopus, qui orationis gratia Jerosolymam veniens, lustrata omni terra repromotionis, Damascum quoque, Constantinopolim, Alexandriam, insulas maris adiit; patriam quoque navigio repetens vi tempestatis in occidentalia littora Britanniae delatus, post multa ad eundem Dei famulum Adamannum presbyterum venit, et quæcunque in locis sanctis digna memoria videsse se retulit, hic litteris ^{**} commendavit. Obtulit autem librum suum Abfrido ^{**} rege Nordannbrorum, a quo etiam muneribus multis donatus, in patriam est remissus. Sed quia et libellum, et libelli auctorem paucos nostrorum legisse vel nosse dubium non est, quiddam ex eo, quasi per excessum excerpimus, quod legentibus plurimum conducere potest; his duntaxat, qui de locis sanctis, in quibus patriarchæ, prophetæ et apostoli cum ipso Domino conversati sunt, ea tantum, quæ lectione didicerunt, et norunt. Igitur de Bethlehem, quæ domus est Panis angelorum, in quo Virgo virginum Verbum de se genuit incarnatum, scribit in hunc modum:

Bethlehem civitas David in dorso sita est, angusta ^{**} ex omni parte, vallibus circumdata, ab oriente in occidentem mille passibus longa, humili sine turribus muro per extrema plani verticis instruto; in cuius orienti angulo quasi quoddam naturale semiantrum est, cuius exterior pars nati-vitatis Dominicæ fuisse dicitur locus; interior Prae-sepe Domini nominatur. Hæc spelunca tota interius pretioso marmore tecta supra locum, ubi Dominus natus specialius traditur, Sanctæ Mariæ grandem gestat ecclesiam. Scripsit item hoc modo de loco passionis et resurrectionis ipsius:

Ingressus a septentrionali parte Jerosolymam urbem primum de locis sanctis pro conditione plantearum divertendum est ad ecclesiam Constantinianam, quæ Martyrum appellatur. Hanc Constantinus imperator, eo quod ibi crux Domini ab Helena matre reperta sit, magnifico et regio cultu construit. Dehinc ab occasu Golgotana videtur ecclesia, in qua etiam rupis apparet illa, quæ quondam ipsam affiram Domini corpore, crucem pertulit, argenteam modo pergrandem sustinens crucem, pendente desuper magna ærea rota cum lampadibus. Infra vero ipsum locum Dominicæ crucis excisa in petra crypta est, in qua super altare pro defunctis honoratis sacrificium solet offerri, positis interim in platea corporibus. Hujus quoque ad occasum ecclesiæ Anastasis, hoc est resurrectionis Dominicæ rotunda ecclesia, tribus cincta parietibus, duodecim columnis sustentatur, inter parietes singulos latum habens spatium viæ, quia tria altaria in tribus locis medii continet, hoc est australis, et aquilonaris, et occidentalis. Hæc bis quaternas portas, id est introitus per tres e regione parietes

A habet, e quibus quatuor ad Vulturnum, et quatuor ad Eurum spectant. Hujus in medio monumentum Domini rotundum petra excisum est, cuius culmen intrinsecus stans homo manu contingere potest, ab oriente habens introitum, cui lapis ille magnus appositus est, quod intrinsecus ferramentorum vestigia ostendunt usque in præsens. Nam extrinsecus usque ad culminis summitatem totum marmore tectum, summum vero culmen auro ornatum, auream magnam gestat crucem. In hujus autem monumenti aquilonari parte sepulcrum Domini in eadem petra excisum longitudinis septem pedum, trium mensura palmorum, pavimento altius eminet, introitum habens a latere meridiano, ubi die noctuque duodecim lampades ardentes; quatuor intra sepulcrum, octo supra in margine dextro lapis, qui ad ostium monumenti positus erat, nunc fixus est, cuius pars minor quadratum altare ante ostium nibilominus ejusdem monumenti stat, major vero in orientali ejusdem ecclesiæ loco quadrangulum aliud altare sub linteaminibus existit. Color autem ejusdem monumenti, et sepulcri albo et rubicundo permistus videtur.

B De loco quoque ascensionis Dominicæ præfatus auctor hoc modo refert: Mons Olivarum altitudini montis Sion par est, sed latitudine et longitudine præstat, exceptis vitibus et olivis raro ferax arboribus, frumenti quoque et hordei fertilis, neque enim brucosa, sed herbosa et florida soli illius est qualitas, in cuius summo vertice, ubi Dominus ad coelos ascendit, ecclesia rotunda grandes ternas per circuitum cameratas habet porticus desuper tectas. Interior namque domus propter Dominicæ corporis meatum camerari et tegi non potuit, altare ad orientem habens angusto culmine tectum, in cuius medio ultima Domini vestigia cœlo desuper patente, ubi ascendit, visuntur, quæ cum quotidie a credentibus terra tollatur, nibilominus manet ^{**} eamdem adhuc speciem veluti impressis signata vestigiis servat. Hæc circa, ærea rota jacet usque ad cervicem alta, ab occasu habens introitum pendente desuper in cochleis magna lampade, totaque die, et nocte lucente. In occidentali ejusdem ecclesiæ parte fenestræ oculo totidemque et regione lampades in funibus pendentes usque Jerosolymam per vitrum fulgent, quarum lux corda intentium cum quadam alacritate et compunctione pavescere dicitur. In die Ascensionis Dominicæ per annos singulos missa peracta validi fulminis processa desursum venire consuevit, et omnes qui in ecclesia fuerint, terræ prosternere. De situ etiam Hebron, et monumentis patrum ita scribit:

C Hebron quondam civitas et metropolis regni David, nunc ruinis tantum, quid tunc fuerit ostendens, uno ad orientem stadio speluncam duplificem in valle habet, ubi sepulcra patriarcharum qua-

^{**} alii Arculfus. ^{**} prior manus mandare curavit. ^{**} angusto. ^{**} supple, et.

^{**} I. Aldfrido regi Nordanhumbrorum.

drato muro circumdantur capitibus versis ad aquilonem, et hæc singula singulis tecta lapidibus in star silice dolatis; trium patriarcharum candidis, Adam obscurioris et vilioris operis, qui haud longe ab illis ad Borealem, extremamque muri illius partem pausat. Trium quoque seminarum viliores et minores memoriae cernuntur. Mambre collis mille passibus a monumentis iis ad Boream, herbosus valde, et floridus, campestrem habens in vertice planitatem. In Aquilonari parte quercus Abrahæ [duorum hominum altitudinis truncus] Ecclesia circumdata est. Hæc de opusculis excerpta prefati scriptoris ad sensum quidem verborum illius, sed brevioribus, strictisque comprehensa sermonibus ad utilitatem legentium hic inservimus. Plura voluminis illius, si quem scire delectat, vel ipso illo volume⁴⁴, vel in eo quod de illo venerabilis Beda⁴⁵ presbyter strictim excerpit, epitomatice requirat.

CAP. XXX. Althelmus⁴⁶ episcopus, cum adhuc presbyter esset, et abbas monasterii, quod Maildubi urbem Angli nuncupant, scripsit jubente synodo suæ gentis librum egregium adversus errorem Britonum, quo vel pascha non suo tempore celebrant, vel alia plura ecclesiasticae castitati et paci contraria gerunt, multosque eorum, qui occidentalibus Saxonibus subditi, Britones ad catholice Paschæ celebrationem bujus lectione perduxit. Scripsit et de virginitate librum eximium, quem in exemplum Sedulii geminato opere et versibus hexametricis et prosa compositum. Scripsit et alia nonnulla, utpote vir undecunque doctissimus. Nam et sermone nitidus, et scripturarum tam liberalium quam ecclesiasticarum erat eruditione mirandus.

CAP. XXXI. Beda⁴⁷ Venerabilis presbyter et monachus, natione Anglus, sub Geolfrido⁴⁸ abate Christi tirocinio mancipatus, pluribus opusculis utilitatibus ecclesiasticis servivit. Verum tam de ipso quam de operibus ejus suum ipsius testimonium proferemus; quia et quod ex Anglia oriundus fuerit, et annos natus quatuor cura propinquorum in monasterium beatorum Apostolorum Petri et Pauli sacris litteris erudiendus Benedicto, ac deinde Geolfrido abbati traditus sit, quod cunctum ex eo tempus vitæ in ejusdem monasterii habitatione peragens, omnem meditandis Scripturis operam dederit, quod inter observantiam disciplinae regularis et quotidianam in ecclesia cantandi curam semper aut scribere, aut discere, aut docere dulce habuerit, quod nono decimo vitæ suæ anno diaconatum, tricesimo presbyteratum jubente abbe suo suscepit, quanto etiam, ordine presbyteratus accepto, usque ad annum ætatis suæ quinquagesimum nonum ex opusculis venerabilium Patrum breviter adnotaverit, sive etiam ad formam sensus

A et interpretationis eorum superadjecerit, in libro quem scribit de historia et gestis patriæ, curavit ascribere. In principium, inquit, Genesij usque ad nativitatem Isaac, et ejectionem Ismaelis libros quatuor; de Tabernaculo et vasis ejus, ac vestibus sacerdotum libros quatuor; de ædificatione templi allegoricæ expositionis sicut et cætera libros duos. Item in librum Regum triginta Questionum, in Proverbia Salomonis libros duos, in Canticum cantorum libros septem, in Isaiam prophetam, Daniellem, duodecim Prophetas, et septem Jeremie distinctiones capitulorum ex tractatu beati Hieronymi excerptas; in Esdram, et Nehemiam libros tres; in canticum Habacuc librum unum; in librum beati Patris Tobiae explanationes allegoricæ, de Christo et Ecclesia librum unum; Capitula lectiōnum in Pentateuchum Moysi et Josue, Judicum, in libros et verba Dierum, in librum beati Patris Job, in Parabolam, Ecclesiasten et Canticum cantorum; in Isaiam prophetam, Esdram quoque et Nehemiam; in Evangelium Marci libros quatuor; in Evangelium Lucæ libros sex; Homiliarum Evangeliorum libros duos; in Apostolum quæcunque in opusculis sancti Augustini inveni, exposita cuncta per ordinem transcribere curavi; in Actus apostolorum libros duos, in Epistolas septem Canonicas libros singulos, in Apocalypsim sancti Joannis libros tres; item capitulum lectionum in totum novum Testamentum excepto Evangelio; item librum Epistolarum ad diversos, quarum de sex ætatibus una est, de mansionibus filiorum Israel unam; unam de eo, quod ait Isaias: *Et claudentur ibi in carcerem, et post dies multos visitabuntur* (Isa. xxiv). De ratione Bissexti unum, de Aequinoctio juxta Anatolium unum. Item de Historiis sanctorum librum vitæ et passionis sancti Felicis confessoris de metrico Paulini opere in prosam translati; librum vitæ et passionis sancti Anastasii male de Græco translatum, et pejus a quodam imperito emendatum prout potui, ad sensum adcorrei; vitam sancti Patris et monachi simul et antistitis Cudbrecti⁴⁹, et prius heroico, et postmodum plano sermone descripsi; Historiam abbatum monasterii hujus, in quo supernæ pietati deservedire gaudeo. D Benedicti et Geolfridi, et Hey, et Berecti in libellis duobus; Historiam ecclesiasticam nostræ insulæ, ac gentis in libris decem; Martyrologium de natalitiis sanctorum martyrum diebus, in quo omnes, quos invenire potui, non solum, quo die, verum etiam, quo certaminis genere, vel sub quo judice inundum vicerint, diligenter adnotare studui; librum Hymnorum diverso metro sive rhythmō, librum Epigrammatum heroico metro, sive elegiaco; de natura rerum, et de temporibus libros singulos; item de temporibus librum unum majorem, librum

⁴⁴ exstat apud Mabillon. sœc. iii. Bened. p. II.
⁴⁵ 701. ⁴⁶ alias Ceolfrido. ⁴⁷ alias Cudberti.

⁴⁸ lib. v, cap. 16 Hist. gent. Angl. ⁴⁹ an. Chr. 680
Digitized by Google

de Orthographia Alphabeti ordine distinctum; item librum de metrica arte, et huic adjectum alium de Schematicis sive tropis libellum, hoc est de figuris modisque, quibus Scriptura sacra contexta est.

CAP. XXXII. Zacharias⁴⁶ apostolicus, utriusque eloquii peritus, quatuor libros Dialogorum beati Gregorii de Latino in Graecum vertit eloquium.

CAP. XXXIII. Petrus⁴⁷ Damiani, cardinalis episcopus scripsit librum et nomine et dignitate gratissimum, et librum alium, qui inscribitur: *Dominus eobiscum*, contra eos qui dicebant, in actione missarum hunc salutationis modum a solitariis non esse servandum.

CAP. XXXIV. Paschasius⁴⁸, qui et Radbertus, fide et scientia clarus, scripsit de corpore Domini librum, cunctis per orbem fideliter amplectendum.

CAP. XXXV. Sedulius⁴⁹ antistes ad Macedonium presbyterum magistrum suum libros duos de Veteri scilicet et Novo Testamento metro conscripsit heroico, quibus et prolixum prosaice scriptum præposuit prologum.

CAP. XXXVI. Theodolus⁵⁰ parentibus non infirmis et Christianis editus fuit; puer in Italia adulatus, in Graecia studuit. Eruditus igitur in utraque lingua cum esset Athenis, gentiles cum fidelibus altercantes audivit, quorum colligens rationes, reversus in allegoricam Eclogam contulit, quam morte præventus non emendavit; unde paucos in opere ejus nævios invenimus. Qui dum sic posuit *dic et Trojanum laudis scire secretum, se*⁵¹ male corripuit. Demum tam morum quam scientiae honestate præditus, sub clericali norma obiit. Inscrifit autem liber ejus Ecloga a capris, videlicet tracto vocabulo; quasi diceretur: *egle logos*⁵², id est *caprinus sermo*; aut quia fœditatem vitiorum, quæ per hoc animal significatur, reprehendit. Nonnulli etiam a *egligon*⁵³ Graece, *exercitium*⁵⁴ Latine interpretantur; quia collectis historiis, et fabulis multis componitur.

CAP. XXXVII. Gregorius⁵⁵ Turonum archiepiscopus, doctor egregius, et historiographus plures conscripsit historias, et de miraculis sanctorum volumen egregium.

CAP. XXXVIII. Martinus⁵⁶ Brachahensis⁵⁷ archiepiscopus scribit ad Mironem regem libellum de quatuor virtutibus.

CAP. XXXIX. Cæsarius⁵⁸ Lirinensis monasterii monachus, et postmodum Arelatensis archiepiscopus, homilias numero decem exhortatorias mona-

B chis scripsit, in quibus omnibus de contemptu mundi copiose disseruit.

CAP. XL. Ado⁵⁹ archiepiscopus Viennensis scribit inter alia Martyrologium de sanctis. Exstant epistolæ Nicolai papæ Adoni directæ.

CAP. XLI. Albinus⁶⁰, qui et Alquinus officio presbyter, ingenio optimus, fide catholicus, scribit de grammatica, scribit de rhetorica, scribit de dialectica, scribit de astronomia, scripsit quoque librum de Trinitate. Sribit de octo vitiis ad Gwidonem comitem. Scripsit et super Joannem. Hic per septem ferias totidem ordinavit officia, octava, hoc est Dominica addita, ita plane, ut in Dominica de Sancta Trinitate, feria secunda de Sapientia, tercchia vero de Spiritu sancto, quarta de angelis, quinta de charitate, sexta de sancta cruce, Sabbato de sancta Maria, de singulis denique suum singulorum agatur officium. Quod ideo commemorandum putavi, quod ordo ejusdem institutionis in multis hodieque servatur Ecclesiis. Sribit etiam Quæstiones in Genesim ad litteram.

CAP. XLII. Justus⁶¹ Viennensis archiepiscopus scribit ad Sergium papam librum explanationum in Cantica canticorum.

CAP. XLIII. Helto⁶² venerabilis Augiensis cœnobii presbyter temporibus Ludwici mirabilem visionem cujusdam Augiensis monachi, nomine Werneti, quam eductus e corpore vidit, qui et reductus post triduum obiit, prosa describit. Idem postmodum Basileæ episcopus factus, cum Hugone⁶³, et Ajone comitibus Constantinopolim missus suum describit Hodœporicum.

CAP. XLIV. Waltfridus⁶⁴ Strabo⁶⁵ vir doctus, qui annis septem Augensi monasterio præfuit, qui multa ingenii sui monumenta metro et prosa posteris tradidit. Eamdem ejusdem monachi visionem metro studiose descripsit.

CAP. XLV. Magnentius⁶⁶ Rabanus Maurus, primo Fuldensis abbas, deinde Moguntinus archiepiscopus, scribendi studio admodum intentus, librum de mysterio Sanctæ Crucis variis figuris, metroque composuit, quem Sergio papæ transmisit. Sribens quoque super totum Vetus Testamentum nihil prætermisit intactum. Sed et super Matthæum scribit volumen egregium; scribit et Comptulum; scribit in Ludwicum super cantica prophetarum; scribit super Apostolum.

CAP. XLVI. Hincaurus⁶⁷ reverendissimus Remorum archiepiscopus, scribit ad Carolum de collectis, de canonibus; de vita quoque et virtutibus sancti Remigii non contempnendum scripsit opusculum.

⁴⁶ anno Christi 741. ⁴⁷ 1057. ⁴⁸ 844. ⁴⁹ circ 450. ⁵⁰ incert. ætat. ⁵¹ Eclog. *Theodul.* versu 319. ⁵² Die et Trojanum laudis tu scire secretum. ⁵³ αἰγῶν λόγος. ⁵⁴ ἐκλογὴ, vel ἐκλογεῖον, collectio, selectum, etc. ⁵⁵ f. excerptum. ⁵⁶ an. Christi 575. ⁵⁷ an. Chr. 560. ⁵⁸ Braccarensis. ⁵⁹ a. Ch. 502. ⁶⁰ 859. ⁶¹ 790. ⁶² alii Urgelens. episcopus, qui floruit. 529. ⁶³ an. Chr. 841. ⁶⁴ alii Hugone. ⁶⁵ an. Chr. 842. ⁶⁶ alii Walafridus. ⁶⁷ an. Chr. 850. ⁶⁸ al. Hinemarus. ⁶⁹ An. Chr. 741.

CAP. XLVII. Ratramnus ¹⁰ vir doctus scripsit libellum cuidam principi de corpore et sanguine Domini, a cuius libelli interim laude cessamus, donec perfecto eo, si forte ad manum venerit, an sanæ et catholice fidei concordet, agnoscamus.

CAP. XLVIII. ¹¹ Laurentius ¹², doctrina et scientia clarus, scribit librum de duobus temporibus, in quo plurima poenitentes poterunt invenire remedia.

CAP. XLIX. Rudolfus ¹³ Fuldensis monasterii presbyter et monachus, doctor præcipuus, poëta etiam dictus, et historicus satis doctus, multis utiliter scriptis, octavo Idus Martii rebus excessit humanis.

CAP. L. Smaragdus ¹⁴ abbas super epistolas et evangelia per singulas Dominicæ distributa, utilissimum scripsit opusculum. Libellum quoque alium scribit, quem de diversis virtutibus colligit, et ei Diadema monachorum nomen imposuit; quia, sicut diadema gemmis, ita hic liber fulget ornamenti.

CAP. LI. Ambrosius ¹⁵, qui et Autpertus, abbas ¹⁶ Agaunensis cœnobii, explanationem scribit in librum Apocalypsis Joannis apostoli. Scribit etiam in modum Prudentii Psycomachiæ, quod interpretatur *pugna animæ*, librum De confictu virtutum et vitiorum, quem et misit ad Lantfridum abbatem ac presbyterum in Bavaria constitutum.

CAP. LII. Julianus ¹⁷ Toletanus episcopus, vir litteris apprime eruditus scribit Idalio episcopo Barcinonensi librum Prognosticorum de novissimis diebus, et initio futuri sæculi.

CAP. LIII. Bachiarus ¹⁸ vir optimi ingenii, scribit ad Januarium librum De reparatione lapsi.

CAP. LIV. Regino ¹⁹ abbas Brumiensis Chronicam scribit, quam a primo Incarnationis Dominicæ anno inchoavit et ad millesimum quintum perduxit.

CAP. LV. Eucherius ²⁰ in divinis Scripturis admodum exercitus scribit Quæstiones in librum Regum. Scribit nihilominus de forma spiritualis intellectus; et interpretatione nominum. Habetur et aliud liber ab eo conscriptus, qui inscribitur De quæstionibus difficultioribus.

CAP. LVI. Marcellinus ²¹ natione Romanus, Chronicam scripsit, in qua sagacis sui ingenii evidens indicium dedit.

CAP. LVII. Paulus ²² monachus, monachorum Regulam scripsit, in cuius conscriptione cooperatorem habuit Stephanum collegam suum. Unde et eamdem Regulam sub utrorumque nomine placuit inscribi, exempli gratia: Incipit Regula Pauli et Stephanus.

¹⁰ an. hr. 840. ¹¹ 705. ¹² Novariensis. ¹³ 850. ¹⁴ an. Chr. 810. ¹⁵ 760. ¹⁶ alias Vincentinus ad Vultur' m. ¹⁷ an. Cbr. 680. ¹⁸ 440. ¹⁹ 892. ²⁰ 434. ²¹ 380. ²² inc. ætat. ²³ manus sæc. XV alias Burchari s. ²⁴ an. Christi 500. ²⁵ inc. ætat. ²⁶ an. Christi 875. ²⁷ alias Freculphus. ²⁸ an. Cbr. 824. ²⁹ 441. ³⁰ alias Atibio. ³¹ an. Chr. 760. ³² ead. man. alias Cyrus. ³³ inc. ætat. ³⁴ alias Notgerus. ³⁵ ar. Chr. 912. ³⁶ 880. ³⁷ 820. ³⁸ circ. a. C. 1100.

CAP. LVIII. Porcharius ³⁹ vir vitæ venerabilis ⁴⁰, abbas monasterii Lirinensis, qui beatum Cæsarium Arelatensi Ecclesiæ destinavit episcopum, scripta quædam, quæ monita nuncupare placuit, monachis scripsit, in quibus de contemptu mundi et breviter et diffuse disseruit: breviter verbis, sed diffuse sententiæ medullis. Hic, ut fertur, cum multitudine copiosi gregis sui a Saracenis captus et interemptus est.

CAP. LIX. Joannes ⁴¹ musicus, natione Anglicus, vir admodum subtilis ingenii fuit, qui et libellum præstantissimum de musica arte composuit.

CAP. LX. Joannes ⁴², natione Romanus, Romanæ Ecclesiæ archidiæconus, vir acutus ingenio, sermone facundus, auctoritate et assensu beati Joannis apostolici de vita beatissimi Gregorii papæ satis famosum scribit opusculum.

CAP. LXI. ⁴³ Fricholpus ⁴⁴ episcopus, scientia doctrinaque præcipuus, explanationes in Genesim scribit, et ab exordio mundi usque ad tempora Northmannorum veraces historias texuit.

CAP. LXII. Arnulfus ⁴⁵ presbyter et monachus monasterii Sancti Emmerammi Dialogum scribit Collectiæ et Admonitiæ de virtutibus sanctorum, qui eodem in loco in pace sepulti novissimam exspectant tubam.

CAP. LXIII. Arbo ⁴⁶ qui ⁴⁷ et Cyrias ⁴⁸ Frisingensis episcopus, duo non parva de gestis sanctorum Emmerammi et Corbiniani scribit opuscula.

CAP. LXIV. Paulus ⁴⁹ Judæus, Fuldensis monachus, vitam sancti Erhardi Ratisponensis episcopi, sed et de conversione sancti Pauli apostoli composuit prosam, quam vulgo dicunt sequentiam, cuius hoc est exordium: *Dixit Dominus ex Basan (Psal. LXVII)*, etc.

CAP. LXV. Nocherus ⁵⁰ abbas ⁵¹ Augiensis, vir fide et actibus clarus, litteris etiam apprime eruditus, in musica peritissimus fuit. Libellum, quem sequentiarum, usitato videlicet vocabulo nuncupari complacuit, compausit, cui præmittens prologum destinavit eum ad venerabilem Luitwardum Vercellensem episcopum.

CAP. LXVI. Remigius ⁵² vir clarus, tam divinis quam sæcularibus litteris sufficienter instructus, inter alia explanationem in Genesim scripsit. Sed et super Psalterium commentum insigne composuit. Habetur nihilominus et aliud ejus commentum, quod scripsit super Donatum.

CAP. LXVII. Paulus ⁵³, vir doctus, scribit inter alia librum utilissimum, qui inscribitur de significazione verborum.

CAP. LXVIII. Egeberthus ⁵⁴ Heresfeldensis, natione Suevigena, officio presbyter, inter alia scribit Vitam

sancti ⁸ Nemoradi confessoris, qui et claruit tempore Aribus Chunradi imperatoris.

CAP. LXIX. Orosius ⁹ venerabilis, ut putatur episcopus, scribit inter alia Commentum in librum duodecim prophetarum.

CAP. LXX. Erhardus ¹⁰ monachus monasterii Sancti Galli, acuti satis ingenii, Gesta Walterii metro conscripsit heroico, tertio regnante Henrico.

CAP. LXXI. Amularius ¹¹ venerabilis Trevirorum archiepiscopus, scripsit inter alia De officiis eximium opus. Hujus operis imo et hujus auctoris mentione beatæ memorie Rudwertus abbas Tuitiensis in libro suo, quem scribit de officiis.

CAP. LXXII. Achelinus ¹² episcopus nonnulla edidit scripta, quæ appellantur *Ænigmata*.

CAP. LXXIII. Symphrosius ¹³, vir eruditissimus, sermone ac scientia sua, nihilominus scribit *Ænigmata*, quæ cum hodieque habeantur a pluribus, nos tamen necdum legendorum eorum copiam habere potuimus.

CAP. LXXIV. Zenophirus ¹⁴ Constantinopolitanus episcopus scribit inter alia librum, qui inscribitur Chronographia.

CAP. LXXV. Otto ¹⁵ venerabilis abbas Cluniacensis, ardentissimus amator monasticæ religionis, qui monachorum gemma, qui discipuloru[m] suorum gloria fuit, Dialogum satis utilem de Musica arte composuit. Scripsit præterea librum præstantissimum, monachisque utilissimum, librum videlicet Occupationum.

CAP. LXXVI. Heymo ¹⁶, sapiens apud Antisiodorum ad sanctum Germanum sub professione monastica degens, multa et varia conscripsit opuscula. Scribit enim super Apostolum librum infinitæ quantitatis. Scribit Explanacionem egregiam in librum Apocalypsis. Scribit super Cantica canticorum. Scribit textum duodecim Prophetarum. Sed et super Evangelia plures scripsit tractatus.

CAP. LXXVII. Albertus ¹⁷ monachus, Computista incomparabilis exstitit, qui et libellum insignem de computi regulis scripsit.

CAP. LXXVIII. Willeramus ¹⁸ abbas Eberspergensis, vita ne scientia irreprehensibilis, in compendios versibus acutum satis ingenium habuit. Nam et Canticum canticorum metro heroico luculenter exposuit.

CAP. LXXIX. Stephanus ¹⁹ musicus, vir peritisimus ²⁰, qui inter alia libellum præstantissimum de musica arte composuit.

CAP. LXXX. Gwido ²¹ abbas, fide ac scientia incomparabilis, qui et multis in hac vita virtutibus floruit. Nam humanis rebus exemptus Sutriæ et se-

A pultus, sed postmodum per Henricum imperatorem Spiram translatus. Hic in diebus suis utilitatibus Ecclesiarum scribendo ac docendo plurimum contulit, atque inter alia nonnulla quæ scripsit, opus eximum de Musica edidit, in qua ejusdem artis inquisitoribus suæ subtilitatis evidens indicium dedit.

CAP. LXXXI. Bern ²² musicus, vir pius ac doctus in monasterio Prumensi sub monastica professione deguit, quem postmodum Henricus Pius imperator abbatem Augiae constituit; qui gratanter acceptus a fratribus fratres dispersos recollegit, et a Lamperio Constantiensi episcopo consecratus, magna insignis pietate ac scientia præfuit annis quadraginta. Hic scripsit librum De institutione missarum, et de Musica opus præstantissimum. Vitam quoque sancti Udalrici Augustensis episcopi.

CAP. LXXXII. Husardus ²³, qui et Carolus, vir illustris, scribit inter alia Martyrologium de sanctis.

CAP. LXXXIII. Bruno Segvensis ²⁴ episcopus, vir bonus et catholicus, utili admodum tractatum edidit, in quo cunctis per orbem fidelibus gratiam et pacem imprecatus, a laude exorsus beatissimi papæ Leonis, scribit nonnulla de Simoniacis, Simoniacorumque sacramentis. Rogatu quoque venerandi episcopi Magolonensis scribit quædam mystica de Dedicationibus ecclesiarum, et aliis Ecclesiæ sacramentis.

C CAP. LXXXIV. Bruno alias ²⁵, doctrina et scientia clarus, scribit nihilominus contra Simoniacos. Scribit super Psalterium præstantissimum opus.

CAP. LXXXV. Bruno ²⁶ Leucorum episcopus, qui et Leo IX apostolicus, scribit epistolam Leoni Constantinopolitano et Michaeli Acridano episcopis, docens eos servare unitatem spiritus in vinculo pacis. Hic in musica subtilissimus fuit, et inter cantus alios, quos plurimos edidit, Historiam beatissimi papæ Gregorii satis artificiose composuit.

CAP. LXXXVI. Fredericus ²⁷ apocrisiarius Leonis IX papæ, postmodum et ipse propter mutato ²⁸ in Stephanum ²⁹ nomine, scribit insignem tractatum contra hæresim fermentaceorum ³⁰.

D CAP. LXXXVII. Humbertus ³¹, Sanctæ Rufinæ episcopus fuit, qui contra hæresim prænotatam scriptis copiose disseruit.

CAP. LXXXVIII. Beringarius ³² Turonis exortus, Andegavensis Ecclesiæ archidiaconus, primo hæreticus fuit; quippe qui sacramentum corporis et sanguinis Domini signum solummodo sacræ rei esse asseruit. Cujus etiam errorem nonnulli secuti a nomine Beringarii Beringariani sunt appellati. Qu

⁸ manus alia recentior, Jeremedadi, sed videtur legend. Heimerad. ⁹ a. Ch. 416. ¹⁰ 1040. ¹¹ 810. ¹² Athelinus. incertæ at. ¹³ Symposius inc. at. ¹⁴ f. Theophanes Byzant., qui flor. a. C. 580. ¹⁵ a. C. 926, al. Odo. ¹⁶ 841. ¹⁷ inc. at. ¹⁸ a. Chr. 107, al. Willeramus. ¹⁹ a. Ch. 910. ²⁰ forte episc. Leodiensis. ²¹ an. Chr. 1020. ²² 1020. al. Berno. ²³ an. Ch. 876. ²⁴ f. Signiensis. a. Chr. 1087. ²⁵ 1055. Episc. Herbipol. ²⁶ a. Chr. 1040. Codex habet mendose Uruno. ²⁷ a. Chr. 1057. ²⁸ f. proprio. ²⁹ Stephanus IX. P. M. ³⁰ f. fermentariorum. ³¹ a. Chr. 1054. ³² 1035.

videlicet Beringarius cœlesti demum virtute et rationum veritate convictus, etsi non corde, scripto tamen renuntiavit eidem hæresi suæ. Cujus iuramenti formam papa Nicolaus universalis concilio Romæ congregato ab eodem accepit, quam et sancta Romana Ecclesia generaliter ab omnibus hæreticis conversis exigere consuevit. Fertur tamen fidem catholicam de sacramento corporis et sanguinis Domini Salvatoris his confirmasse versiculos :

*Constat in altari carnem de pane creari;
Ipsa caro Deus est; qui negat hoc, reus est.*

CAP. LXXXIX. Lantfrancus²⁰, Anglorum episcopus, miræ sanctitatis et eruditionis vir fuit, qui contra bæresim Beringariorum nonnulla memoria digna dereliquit.

CAP. XC. Christianus²¹ pontifex Apolorum, vir clarus scientia et sanctitate, contra eamdem hæsim disseruit invictissime.

CAP. XCI. Hermannus²² Contractus, Suevigena, philosophus in computatione subtilissimus exstitit, qui et librum de principalibus computi regulis scripsit. Scripsit et metrice librum, qui scribitur de conflictu Ovis et Lini. Scripsit item metrice alium in modum Theodoli. Scripsit et tertium nihilominus metrice de contemptu mundi. In musica sane pene modernis omnibus subtilior exstitit, et cantilenas plurimas de musica, cantusque de sanctis satis auctorabiles edidit. Chronicam quoque et gesta Chunradi et Henrici composuit; in quibus omnibus virtus illius satis enituit.

CAP. XCII. Bertholdus²³, qui ejusdem auditor, et discipulus exstitit, vitam Magistri. et Chronicam scribit.

CAP. CXIII. Folbertus²⁴ Carnotensis episcopus, eruditionum præceptor quoque Beringarii, cuius superius mentionem fecimus, scribit inter alia tractatum contra Judæos et malos Christianos. Scribit Vitam sancti Ægidii. Scribit et sermonem de Nativitate sanctæ Mariæ, Matris Domini.

CAP. XCIV. Burchardus²⁵ Wormatiensis episcopus scribit collectiones utilissimas de Canonibus.

CAP. XCV. Ivo²⁶ Carnotensis episcopus scribit inter alia nonnulla, excerpta de canonibus. Scribit plurimas ad diversos epistolatas. Scribit Martyrologium de sanctis. Scribit Sententias de divinis officiis.

CAP. XCVI. Anselmus²⁷ Cantuariensis archiepiscopus, scientia et moribus decenter ornatus, adhuc Beccensi monasterio præsens, scribit Epistolam fratri Mauritio de fratre fugitivo, in qua quæstionem aliam addidit et enodavit, videlicet, qualiter malum nibil dicatur et sit, cum tamen videatur esse aliiquid. Opus etiam aliud edidit, quod secundum materiam de qua editum est, Cur Deus homo, nominavit, et in duos libellos distinxit. Tres tractatus pertinentes ad studium sacræ Scripturæ

A diversis fecit temporibus consimiles in hoc, quia facti sunt per interrogationem et responsum, et persona interrogantis nomine discipuli, respondentis vero notatur nomine Magistri. Unus horum trium est de veritate; quid scilicet sit veritas, et in quibus rebus soleat dici, et quid sit justitia? Alius vero est de libertate arbitrii, quid sit? et utrum eam semper habeat homo, et quot sint ejus diversitates in habendo vel non habendo rectitudinem voluntatis, ad quam servandam data est creature ratioinali? Tertius autem est de quæstione, qua queritur, quid peccaverit diabolus, quia non stetit in veritate, cum Deus non dederit ei perseverantiam, quam nisi eo dante habere non potuit, quam si Deus dedisset, ille habuisset: sicut boni angeli illam habuerunt, quia Deus illis dedit? Quem tractatum quamvis ibi de confirmatione honorum angelorum dixerit, de casu diaboli titulavit, cum illud contingens fuit, quod dixit de bonis angelis; quod autem scripsit de malis, ex proposito fuit questionis. Quartum denique simili modo edidit: non inutilem introcentis ad dialecticam, cuius initium est: *De grammatico*, quem, quia ad diversum ab his tribus studiis pertinebat, istis non cognominat. Scribit præterea duo non parva opuscula, *Monologion* scilicet, et *Prosologion*, quæ ad hoc maxime fecit, ut, quod fide tenemus de divina natura, et ejus personis præter incarnationem, necessariis rationibus sine auctoritate Scripturæ probari possit. Scribit quoque de virginali conceptu, et originali peccato librum; scribit ad Urbanum papam II, librum de Incarnatione Verbi; scribit contra Græcos librum de processione Spiritus sancti. Scribit et epistolam Williramo Novemburgensi episcopo de dissensione Græcorum in sacrificio. Sed et super evangelium: *Intravit Jesus in quoddam castellum* (*Luc. x.*), novam scribit explanationem, sanctæ Dei Genitricis Marie festivitatibus, et laudibus apertissime congruentem. De sanctis quoque ordinatissimum scribit Martyrologium.

CAP. XCVII. Gisilbertus²⁸ abbas Westmonasterii dialogum scribit Judæi et Christiani, quem et discutiendum direxit eidem Anselmo Cantuariensi archiepiscopo.

CAP. XCVIII. Clemens²⁹ qui et Gwibertus, Ravennatice sedis episcopus, ac postmodum super Gregorium septimum per regem Henricum in Romanam Ecclesiam, licet invitus, juxta quosdam violenter, intrusus, nec Ravenna, nedum Roma bene usus, facundus tamen eloquio, acutus ingenio, tres in apostolatu sibi invicem succedentes supervixit. Qui et beato papæ Urbano exsilium suum improperans hæc metrice in eum verborum tela detorsit:

*Diceris Urbanus, cum sis projectus ab urbe;
Vel muta nomen, vel regrediaris in urbem.*

²⁰ an. Chr. 1070. ²¹ 1040. ²² 1050. ²³ 1066. ²⁴ 1007. ²⁵ 996. ²⁶ 1052. ²⁷ 1003. ²⁸ 1080. al. Gillebertus. ²⁹ an. Chr. 1080.

CAP. XCIX. Urbanus ⁴⁰ secundus apostolicus, scientia et sanctitate magnificus, accepto hujusmodi improposito, sic metrice rescripsit eidem emulo suo :

*Clemens nomen habes, sed clemens non potes esse;
Tradita solvendi, cum sit tibi nulla potestas.*

Quibus nimis verbis nihil eum de apostolica dignitate præter vocabulum palam perhibet assecurum.

CAP. C. Anselmus ⁴¹ Lucensis episcopus, vir per omnia catholicus, omnique ad unguem scientia præditus, ac post mortem miraculis clarus, qui et beatum Gregorium VII, unice dilexit, contra Gwibertum, et sequaces ejus, opus eximium scripsit. Nam et super Psalterium opus immodicum scribit, in quo locis congruentibus contra Gwibertum et

B

et Henricum per apostropham disserit.

CAP. CI. Bernardus ⁴² presbyter, vir doctus et catholicus cum collega sub Albano presbytero utili-
lem habuit conflictum super incontinentia sacerdotum. Scribit deinde Apologeticum super decreta, quem venerabilis papa Gregorius ejusdem nominis septimus in Romana synodo promulgavit contra Simoniacos et incontinentes Altaris ministros. Scribit præterea librum de potestate presbyterorum, de concordia officiorum librum, librum quoque de confessione. Adhuc etiam satis utilem scribit Chronicam.

CAP. CII. Guidmundus ⁴³, qui et Christianus, primo in monasterio Stabulaus monachus fuit, ubi dum abbas constitui, atque ad alterum locum regendum mitti debuisset, aufugit, ignotamque provinciam appetens, ne posset agnosciri, nomen mutavit in melius, assumens videlicet Christianitatis vocabulum, cunctis commune fidelibus. Tandem vero re quisitus et repertus, sub Gregorio VII Aversæ est factus episcopus, scripsitque fratribus supradicti monasterii explanationem egregiam super Evangelium secundum Matthæum; in cuius explanationis prologo super Joannem quoque se scripturum pollicetur; sed utrum minime scripsit, an certe scripsit quidem, quod ad nos minime pervenerit, adhuc a nobis ignoratur. Scripsit tamen explanationem super Evangelium secundum Lucam.

CAP. CIII. Rudolphus ⁴⁴ abbas tum in aliis artibus, tum in musica acutissimus fuit, qui etiam inter alia Chronicam scribit.

CAP. CIV. Ekehardus ⁴⁵ abbas vir admodum doctus et religiosus exstitit, qui et suam nihilominus Chronicam scribit.

CAP. CV. Manegoldus ⁴⁶ presbyter modernorum magister magistrorum, strenuus assertor veritatis fuit, a qua nec promissis nec minis schismatici

A regis flecti potuit. Quin imo in dissensione illa, quæ inter Gregorium septimum et Henricum quartum exorta fuit, pro tuenda justitia laboravit usque ad vincula. Exstat ad cum scripta quædam exhortatoria Iwonis episcopi Carnotensis epistola. Hic textum Isaiae prophetæ paginalibus clausulis distinxit; super Mattheum vero glossas continuas scribit. Scribit quoque super Psalterium opus præstantissimum super topazium et aurum obryzum pretiosum.

CAP. VI. Aribi Cirinus ⁴⁷ musicus musicam scribit, quam proptere ejus mensuræ celeritatem Capream nuncupavit: *Velocius enim, inquit, currebat, cum venabar eam; quia voluntas Dei fuit, ut cito mihi occurreret, quod volebam.* In hoc vero tractatu de ejusdem artis industria cæteris subtilius agit, in quo et Domini Wilhelmi musici ita meminit, dicens: *Wilhelmus prius Emmeramensis Ratisponæ monachus, nunc autem alibi abbas ⁴⁸ venerandus fistularum ⁴⁹ novam exquisivit mensuram, prioris intentionem convertens in remissionem, quam mecum communicavit. Nam meam dilexit parvitatem ultra parvitatis dignitatem, qui erat musicorum primus: modernus videlicet Orpheus, et Pythagoras.* Hunc itaque tractatum pontifici suo obtulit, cui et scribit, sicut ait :

*Aribi tractatum depinxit musicus istum,
Atque dedit dono pontifici proprio.*

CAP. CVII. Fucraldus ⁵⁰ musicus multam musicæ artis notitiam habuit, qui et librum de musica scripsit.

CAP. CVIII. Wilhelmus ⁵¹ abbas reverendissimus Bawariorum prosapia religiosis parentibus exortus, atque in monasterio sancti Emmerammi Ratisponæ educatus, divina illum comitante clementia, tanta ingenii pollebant excellentia; ut cum eminentia honestorum morum simul emineret studio variarum artium. De quibus multa nobis sui mirabilis ingenii monumenta reliquit. Nam naturale horologium ad instar cœlestis hemispherii excogitavit; naturalia solsticia, sive æquinoxia et statum mundi certis experimentis invenire demonstravit, quæ omnia etiam litteris mandare curavit. Multas etiam quæstiones de computo probatissimis rationibus endavit. Hic in musica peritissimus fuit, multaque illius subtilia antiquis doctoribus incognita elucidavit. Multos etiam errores in cantibus reprehensos, satis rationabiliter ad artem correxit. In Quadrivio ⁵² sane omnibus pene antiquis videbatur præeminere. Tractatum tamen unum de musica scripsit, quem Dei vocatione ad regendum Hirsaujiense cœnobium tractus minime perfecit. Hic dominum Uldaricum Cluniacensis monasterii mon-

⁴⁰ an. Chr. 1088. ⁴¹ 1071. ⁴² 1070. *Simlero*: Bernoldus. ⁴³ an. Ch. 1066. ⁴⁴ forte Rudolphus Tru axdon, qui fl. an. Chr. 1120. ⁴⁵ forte Junior S. Gallens. monachus, qui fl. an. Chr. 1013. ⁴⁶ 1070. ⁴⁷ 1090. ⁴⁸ Hirsautiens. ⁴⁹ codex fistularum f. versicularum. ⁵⁰ incert. ætat. ⁵¹ an. Chr. 1090. ⁵² Per quadrivium quatuor intelliguntur disciplinæ Mathematicæ, Arithmetica, Geometria Musica et Astrologia; uti per trivium, disciplinæ tres Grammatica, Logica, Rhetorica.

chum incitavit ad scribendum consuetudines monachorum. A Baptistæ, secundus de sancta Maria, tertius de dispersione apostolorum, quartus de initio Evangelii secundum Matthæum.

CAP. CIX. Dietgerus ¹¹ abbas a Latinis Theogorus, a Theutonicis ¹¹ quibusdam Theokarius dictus, domini Wilhelmi abbatis primo discipulus, deinde in monasterio sancti Georgii abbas tertius, ac tandem Metensis episcopus aliquantis per administrato episcopio sepultus est in Cluniaco. Et hic quoque Tractatum unum de Musica scribit, in quo de ejus inventione, et numeris, ac proportionibus juxta Arithmeticos breviter quidem, sed satis subtiliter agit.

CAP. CX. Udalricus ¹¹ Ratisponensis Ecclesiæ canonicus, ac postmodum Cluniacensis monasterii monachus, multæ scientiæ multæque patientiæ vir exstitit, quippe qui multas corporis molestias immisas a Domino, multasque a falsis fratribus sibi irrogatas injurias patienter tulit. Hic multas scribit ad diversos epistolas, reprehendens eos qui erant reprehendendi, collaudans eos, qui erant exhortandi. Scripsit etiam venerabili Wilhelmo abbati epistolam, in qua reprehendit eum propter irregularē ejus, quam ex Germanicorum abbatum usurpatione, licet simpliciter, portabat cappam, docens eum non debere transgredi habitum sibi subditorum, cum sciret scriptum : *Ducem te constituerunt, esto in illis, quasi unus ex illis* ¹¹. Tunc impleta est Scriptura, quæ dicit : *Corripe sapientem et diliget te; doce justum, et festinabit accipere* ¹¹. Continuo enim, ut una manu accepit epistolam, cappamque sensit reprehensam, cum altera manu nunquam reinduturus, abstraxit eam, nec distulit, donec perlegeret epistolam. Composuit quoque vitam et epitaphium Sancti Hermanni ex Marchione monachi filii ducis Berchtaldi fratris Gerhardi Constantiensis, episcopi. Præterea scripsit volumen consuetudinum Cluniacensium monachorum, quod pene legitur ubique terrarum.

CAP. CXI. Meginhardus ¹¹ Herbipolitanus episcopus scribit in Cantica canticorum explanationem, opus eximium.

CAP. CXII. Ponizo ¹¹ Sutriensis presbyter Gregorii ¹¹ septimi temporibus scribit excerpta de canibus.

CAP. CXIII. Deusdedit ¹¹ cardinalis eisdem temporibus scripsit contra Guibertinos.

CAP. CXIV. Gotschalcus ¹¹, monachus Dechingæ, scripsit inter alia libellum quatuor sermonum, quorum primus de conceptione sancti Joannis

A Baptiste, secundus de sancta Maria, tertius de dispersione apostolorum, quartus de initio Evangelii secundum Matthæum.

CAP. CXV. Placidus ¹¹ cœnobii Nonantuliani prior, scribit contra investituras et iniquam potestatem quarti Henrici.

CAP. CXVI. Geraldus ¹¹ vir doctus apud monasterium Sancti Blasii monachus factus, vitam religiosam aliquandiu duxit, qui inter alia commentum super dialecticam scripsit. Scripsit præterea satis utilium collectas sententiarum.

CAP. CXVII. Rudpertus ¹¹ Magnus, magnum et mirabile scientiæ donum assecutus, apud Leodium in monasterio Sancti Laurentii regularibus discipulis a puero institutus, deinde Sigibergensis

B monachus; ad ultimum Tuitiensis abbas constitutus anno Domini 1111 sub quarto Henrico scriba doctus scribere exortus, usque Lotharium tertium ¹¹, et sub eo annis scripsit plurimis. Verum ubi vel quando, vel quomodo gratiam scribendi perceperit, ipse in opere suo, quod de gloria et honore Filii hominis fecit, libro duodecimo pandit. Librorum vero, quos scripsit, alias in archiepiscopi Coloniensis, alias Denonis ¹¹, Sigibergensis abbatis, ac postmodum episcopi Ratisponensis nomine attulavit pro eo, quod eum uteque illorum impulerit ad scribendum. Hic in libro de glorificatione Trinitatis et processione Spiritus sancti unam ad Honorium papam, in libro secundo de divinis officiis ad venerabilem Chunonem Ratisponensem, alteram scribit epistolam continentem omnem librorum suorum summam. Scribit ergo Commentum in Job, librorum decem tractatus; in Evangelium Joannis librorum quatuordecim. Opus de operibus sanctæ et individuæ Trinitatis, librorum quadraginta duorum, opus in Apocalypsim librorum duodecim, opus in duodecim minoribus prophetis librorum triginta, opus de victoria Verbi Dei librorum tredecim, opus de gloria et honore Filii hominis in Evangelium secundum Matthæum librorum totidem, opus ex libris de gloriose rege David, et opus in Cantica canticorum septem libellis explicunt. Scribit et opusculum trium libellorum sub Dialogo Judæi et Christiani de sacramento fidei, et opus de glorificatione Trinitatis et processione Spiritus sancti; libros quoque de Meditatione mortis quoꝝ paulo antequam moreretur, inchoavit et morte præventus consummare non potuit. *Hucusque codex Mellensis.*

¹¹ a. Ch. 1070. ¹¹ f. Teutonicis. ¹¹ an. Chr. 1070. ¹¹ Eccl. 32. ¹¹ Prov. 9. ¹¹ J. an. II. an. Ch. 1033 vel 1088. ¹¹ alias Bonizo. an. Chr. 1070. ¹¹ sic locum expleo. ¹¹ an. Chr. 1070. ¹¹ inc. ætat. ¹¹ an. Chr. 1070. ¹¹ inc. ætat. ¹¹ 1120 ¹¹ al. secundum. ¹¹ Chunonis.